

Tanto doño di vivienda como di negocio:

SUMANAN HOPI HALTO DI GRONDBELASTING A ALTERA HOPI PROPIETARIO

ORANJESTAD (AAN) -- Un avalancha di yamada hopi critico redaccion di DIARIO a ricibi ayera, tocante e cobronan di Grondbelasting cu hopi propietario di cas y negocio, etc, cual cas y tereno tin un balor mas halto cu 60 mil Florin, ta ricibi for di di Oficina di Belasting, unda cu e esun cu tin cu paga ta haya cu e suma ta demasiado halto compara cu loke nan a paga den pasado. Hendenan cu tabata custumbra na paga un impuesto di cien y pico te cu 200 Florin, e biaha aki a haya un monto di entre 500 cu 700 y mas, pa paga, y nan ta bisa ta net aworaki cu tin tantisimo gasto extra.

Tin cierto personanan cu ta sinti cu nan ta pagando 3 biaha mas pa e balor con nan propiedad a worde balora. Segun versionnan recopilada, ta for di dos aña pasa cu gobierno a bin cu un aumento riba Grondbelasting cu aworaki ta resulta basta drastico, y nan kier sa si gobierno actual ta bay haci algo pa reduci e impuesto aki.

DIARIO a haci tur esfuerso pa busca mas informacion al respecto cerca e departamento di Belasting pero tambe cerca Gobierno, pero segun informacion ricibi ambos instancia tabata reuni ayera intensivamente pa trata e situacion aki, y posibelmente lo tene un conferencia di prensa al respecto.

UN TIKI SPLICACION: E asunto aki den cierto sentido ta un di e complicacionnan di e cambionan di balor riba mercado di propiedad (edificio y tereno) unda cu e demanda y oferta tin hopi di haber. Tereno y construccion ta un rubrica cu na mayoria pais di mundo ta aumenta (contrario na otro balornan), loke por tin su efecto tambe riba impuesto.

DIARIO tin entendi cu tempo cu gobierno a aumenta grondbelasting a sali for di e punto di bista cu tur tereno propiedad a aumenta asina hopi di balor cu cas y parcelanan ta worde bendi pa sumanan astonomico, mientras cu balor di e terenan di gobierno (erfpacht y huur) a keda atras, y basa riba esey nan a hustifica e revaloracion di tereno, cu ta loke a tuma lugar.

Loke NO a tuma lugar tabata un informacion conciente y un splicacion debido pa pueblo di Aruba, y mayoria hende no sa pakico nan ta pagando mas cu doble di loke originalmente nan tabata paga.

un cas ta di 200 mil Florin, oficina di impuesto ta kita 60 mil Florin for di e balor, anto ta cobra grondbelasting riba 140 mil cu ta e diferencia, riba cual e propietario ta paga 100 X 1000.

pa rebaloriza e terenan erfpacht, loke a trese como consecuencia cu hopi hende na Aruba tabata pagando durante añanan largo Grondbelasting riba e mesun balor biuew.

Na dado momento, esta como dos aña pasa, gobierno a dicidi di haci un rebaloracion di su terenan, cu e consecuencia cu di aumento di grondbelasting riba propiedadnan cu a worde balora na mas di 60 mil Florin (DIARIO tin entendi cu di 60 mil Florin bay abao impuesto no a sufri aumento).

Hopi di e personanan ey a inverti pa haci nan cas of negocio mas grandi y pa consiguiente, si originalmente e tabata tin un balor di 60 mil Florin durante e ultimo revaluacion e prijs a aumenta bastante, kizas te cu 100 mil Florin.

Aparentemente si e balor di

un cas ta di 200 mil Florin, oficina di impuesto ta kita 60 mil Florin for di e balor, anto ta cobra grondbelasting riba 140 mil cu ta e diferencia, riba cual e propietario ta paga 100 X 1000.

DIARIO tin entendi cu tempo cu gobierno a aumenta grondbelasting a sali for di e punto di bista cu tur tereno propiedad a aumenta asina hopi di balor cu cas y parcelanan ta worde bendi pa sumanan astonomico, mientras cu balor di e terenan di gobierno (erfpacht y huur) a keda atras, y basa riba esey nan a hustifica e revaloracion di tereno, cu ta loke a tuma lugar.

Loke NO a tuma lugar tabata un informacion conciente y un splicacion debido pa pueblo di Aruba, y mayoria hende no sa pakico nan ta pagando mas cu doble di loke originalmente nan tabata paga.

REUNION: DIARIO a tuma conctacto tanto cu Oficina di Belasting como cu Gobierno, pero no por a conversa ni cu e Inspector di Impuesto of cualquier otro persona cu sa di e asunto aki, como tampoco cu Ministro di Finanzas. Redaccion a ser informa cu un reunion intensivo tabata tumando lugar ayera pa trata e situacion aki, ya cu e protestanan a yega na e instancianan concerni. Con gobierno ta bay trata e situacion aki ta algo cu redaccion NO a logra di haya sa, y por compronde pakico. En todo caso, intencion ta pa tene un conferencia di prensa al respecto.

CONCLUSION: Riba terminonan fiscal por zona razonable cu gobierno lo a tuma un medida pa aumenta grondbelasting, tanto riba tereno propiedad como terenan di gobierno.

Pero di otro banda pueblo ta sinti cu no ta su falta cu e balor di terenan y construccion a subi asina tanto na Aruba debi na e tremendo demanda y poco oferta cu tin.

Pueblo no ta kere cu mester compara Aruba cu otro paisnan di mundo, pasobra Aruba su problema a bin pa motibo di un desaroyo economico acelera unda cu importacion di trahador a hunga un rol hopi grandi riba escarsedad di vivienda, unda cu e comunidad en general a worde perhudica.

Tampoco pueblo ta compronde pakico un propietario no tin derecho di drecha y embeyece su cas, siendo cu e inversion ta sali for di su cartera y ta cu sodo di su frenta el a gana e placa pa drecha, amplia y embeyece su cas.

Si pa e motibo aki mester paga tanto placa di impuesto, esey kier meen cu ta mihor keda "margina" y laga su cas cay den otro, contal di no paga mas grondbelasting. Segun diferente opinion, drechamento di cas y plantamento di mata, of embeyecimento di un local comercial, no ta nada barata. Prijs di tur cos relaciona cu vivienda ta carisimo.

NO TA FIERNO SO TA CASTIGA!!

